

**Uunga siunnersuut: Aalisarneq pillugu inatsisartut inatsisaata allanngortineraa pillugu  
Inatsisartut inatsisaat nr. xx, xx.xxxx 2016-imeersoq.**  
(Aalisarnermut Piniarnermullu Naalakkersuisoq)

### **Akissuteqaat**

(Aalisarnermut Piniarnermullu Naalakkersuisoq)

### **Aappassaaneernera**

Matumuuna aallarniillunga Naalakkersuisut sinnerlugit Aalisarnermut, Piniarnermut Nunalerinermullu Ataatsimiititaliaq sukumiisumik siunnersuut pillugu suliaqarsimanera pillugu qutsavigissavara.

Ataatsimiititaliap kaammattuitigisaa tassalu pingajussaaneerineq sioqqullugu siunnersuut ataatsimiititaliamit nutaamik suliareqqitassanngorlugu innersuussutigineqassasoq Naalakkersuisut tapersorsorpaat.

Tusarniaanermut akissutinut tunngatillugu Aalisarnermut, Piniarnermut Nunalerinermullu Ataatsimiititaliaq allappoq tusarniaanermut akissutit pisuni marlunni peqqissaarnerusumik ilanngunneqarsimasinnaagaluartut ilanngunneqarsimasariaqartullu. Naalakkersuisut taamatut isorinninneq isumaqatigaat tusaatissatullu tamanna tigullugu.

Siunnersuutip ilusiligaanera inatsisink ilusiliisarnermi najoqqutarisassanut naapertuusso-rinarneranik Aalisarnermut, Piniarnermut Nunalerinermullu Ataatsimiititaliap naliliinera Naalakkersuisut pingaartippaat.

Siunnersuut sulianik pitsaanerusumik kiisalu piffissap sulianik ingerlatsinermut atorneqartup sivikinneruleranerut peqataaqataassasoq ilimagineqarpoq kiisalu innuttaasut qaninnerusumik pitsaanerusumillu kiffartuunneqalernissaannik kinguneqassasoq anguniarneqarpoq. Naak sullissinissamut atugassaritaasut pingaernerit allanngortinneqanngikkaluartut, sullissineq innuttaasunut qaninnerusumik ingerlanneqalissaq.

Aalisarnermut, Piniarnermut Nunalerinermullu Ataatsimiititaliap maluginiarpa nalingin-naasumik nassuaatini immikkoortoqartoq ataatsimiititaliap isumaa malillugu qaffasin-nerusumik pitsaussuseqarsinnaagaluartunik. Naalakkersuisut ataatsimiititaliaq isumaqatigaat inatsisip paasineqarnissaanut nassuarneqarnissaanullu nalinginnaasumik nassuaatit pingaaruteqartut kiisalu Naalakkersuisunit sukumiinerusumik nassuarneqarsinnaagaluartut nassuarneqartussaagaluartullu Naalakkersuisut isumaqatigivaat.

Tamatuma malitsigisaanik erseqqissaassutigineqassaaq siunnersuut aalisarnermut inatsimmik nutarterinermut sulianut ingerlasumut toqqaannartumik attuumassuteqanngimmat.

Aalisarnermut, Piniarnermut Nunalerinermullu Ataatsimiititaliap siunnersuutip kommuninut aningaasatigut taarsiissuteqarnermik nassataqassanersoq nassuaatini isummerfigine-qannginera ujartorpaa. Tassunga atatillugu oqaatigineqassaaq kommune-t isumaqatigiissuteqarfingineqartussaammata tassanilu aalisarsinnaanermut akuersissutinik tunniussisar-nerup tigusinerisa kingunerisaanik aningaasartuuteqataasinaasut qanoq naatsorsorneqar-

nissaat pillugu sukumiisumik isumaqatigiissusiortoqassalluni, missingersuusiorneq pillugu kommune-t Namminersorlutilu Oqartussat isumaqatigiissutaat naapertorlugu.

Siunnersuutip inatsisitigut tunngavilissavaa Naalakkersuisut erseqqinnerusunik maleduagassiornermikkut aalisarsinnaanermut akuersissutinik tunniussisarnerup allaffissornikkut aqunneqarnerata kommunalbestyrelsinit isumagineqarnissaanik peqqusisinnaalernissaat. Naalakkersuisut aalisarsinnaanermut akuersissutinik tunniussisarnerup erseqqinnerusunik maleduagassiortussaammassuk, akuersissutinik tunniussisarnerup allaffissornikkut aqunneqarnerata isumagineqarnissaanik tunniussinerup kingunerisaanik akuersissutit amerlinerannik kinguneqassanngilaq.

Siunnersuut pillugu nalinginnaasumik nassuaatini allassimavoq ilimagisariaqartoq communalbestyrelsinut tamakkiisumik tunniussineq Aalisarnermut Piniarnermullu Naalakkersuisoqarfirmi sulisunik atuinissaq ukiuniit 3-niit imaluunniit 1,0-imit 1,5 mio. kr.-inut appiarifijumaartoq. Uani missiliummik naatsorsukkat pineqarput kingusinnerusukkullu appariaatit ersarissarneqarumaarput. Taamaattumik eqqumiikujuppoq Aalisarnermut, Piniarnermut Nunalerinermullu Ataatsimiititaliap oqaatigimmagu siunnersuutip aningaasaqarnikkut kingunerisassai naammattumik nassuiardeqarsoninangitsut.

Taamaattorli ilumoorpoq oqallisigineqarsinnaasoq tamakkiisumik tunniussisoqarnersoq, tassami Aalisarnermut Piniarnermullu Naalakkersuisoqarfiup suli immikkut akuerineqarnissamik qinnuteqaatit suli suliarisassammagit kiisalu maalaartarfittut inissisimalertussaalluni.

Taamatut oqaaseqarlunga siunnersuutip Inatsisartuni aappassaaneerneqarluni suliarineqarnissaanut oqallisigisassangortippa.